

宋朝大詔令集

宋朝大詔令集卷第十一

太皇太后上

尊立

尊太皇太后制

治平四年正月己未

自昔聖王之有天下也繼世以治世示建統之正尊親之所親為立  
孝之始朕以菲質述承丕構恭聞顧命祇循大卞稽諸歷古具存典  
禮皇太后以坤厚之德載函夏以柔明之道儼皇家祖朝推內助之  
賢先帝嚴母儀之奉懿猷徽範刑于邦國迨茲冲眇躬獲纘承踐阼  
之初禮章懋舉謹以徽稱仰事寶慈謹上尊號曰太皇太后

尊太皇太后制

元豐八年三月庚子

王者之臨御也稽於古以為天下法奉其親以為天下先靡然兆民  
協于一德永惟寶命誕集我家肆予冲人獲紹洪業撫綏四海暨際

宗廟之靈裁決萬機實賴四朝之聖欽聞遺訓俾正隆名敢忘大章  
用迪前烈皇太后儼乾之健體坤之元明哲同符乎委任恭儉遠過  
于陰馬輔佐英祖內治流聞擁佑先朝母儀備至迄于寡昧夙荷庇  
憐提携拊循教誨成就於殿極九州之養昌盡孝誠加萬世之名庶  
承慈範謹上尊號曰太皇太后

太皇太后冊文 熙寧二年四月壬戌

嗣皇帝臣某謹稽首再拜言曰臣聞昔之善為國者未有不先事親  
以孝需為風化充擴于屋宇之間生靈之屬罔不悅服遂格于丕乂  
之盛此尤可景慕也洪惟皇宋膺寶錄開炎曆五聖重光逾百年于  
茲而小子獲續令緒常懼厥德之弗稱故夙夜黃黃畏厲精萬務期措  
斯世于泰寧之域不累祖宗昌明之鴻業蓋庶幾于孝道者也顧惟  
朕躬荷我聖祖母愛育之厚慈訓之深比者肇裡園丘而上帝嘉饗

海內蒙福亦惟我聖祖母保佑之力祇載恩施念殫天下之物無可  
以將美報之意是用稽參典禮允協群情而求其劇隆之歲稱以彰  
懿鍊不勝大願謹遣攝太尉推忠協謀同德守正亮節翊戴功臣開  
府儀同三司行尚書左僕射兼門下侍郎同中書門下平章事集賢  
殿大學士上柱國魯國公食邑一萬一千一百戶食實封三千八百  
戶臣曾公亮攝司徒推忠佐理功臣振密副使正奉大夫尚書吏部  
侍郎上柱國南陽郡開國公食邑二千八百戶食實封六百戶賜紫  
金魚袋臣韓絳奉玉冊金寶上尊號曰太皇太后恭惟太皇太后洪  
嘉之質體天災順靜正之性稟于坤元進陟中闈翊輔仁帝修陰教  
以熙內治杜私恩以全外家逮我英考嗣統之始勉從確請參決繁  
機謙不臨朝亟圖還政此其識慮之遠聲烈之遠護出前古而流為  
萬世之軌法惟末小子又欽承撫誨之臣賜宜乎誕受玉冊以符中

外之望於戲。闕名之。並于日月永命之。參于天地。茲足以慰夫惓惓  
至養之心。臣某誠惟誠抃稽首再拜謹言。

太皇太后用文元祐

臣聞昔在太任為文王母。治內及外。御于家邦。功德之茂。紀于竹帛。  
播于聲詩。惟我有宋。以聖繼聖。仁育庶彙。積厚無極。上帝錫祚。施于  
子孫。萬生神母。以濟丕命。是用殫九州之富。以致其養。極天下之尊。  
以為之名。典用備物。以熠燿于當世。恭惟聖祖母。陶齊淵懿。敦大直  
方學。以觀萬化之厚。而不專乎彤管之一言。儉以訓天下之中。而不  
止乎大練之一節。高明本乎性成。慈儉得之自然。茂惟先正。勲在王  
室。席慶惟舊。作合自天。惟我皇祖。龍潛京邸。乾乾夕惕。聖敬日躋。至  
德升聞。大統斯集。為宋英主。實繫內助。肆我文考。紹隆五聖。大孝之  
德。通于神明。光于四表。元豐之末。憂勤不撓。萬幾之重。仰託東朝。儲

宮虛位國本未建惟我聖祖母睿志先定決冊一言屬以菲躬付之  
大扈踐阼之始國步方艱擁佑眇冲纓靖中外事無叢脞人無震驚  
勉徇輿情躬親聽斷而大公至正道契三無夙興臨朝日旰忘倦虛  
心盡下待物以誠求賢審官不捨筮寐屈已從諫易于轉規用能不  
出帷幄照臨萬宇魏令之勤德意之孚天下莫不推戴鼓舞肖翹之  
類咸樂其生群公近司稽考故實欲上徽稱鋪昭聖烈而展承錯事  
將就正朝巫詔在位卻而不受所以深鏡至理為萬世法坤靜而志  
愈光謙尊而道益隆顧惟寡昧獲奉慈訓大懼無以答揚德意之萬  
一謹諏元日率類衆志不勝大願謹遣攝太尉臣文彥博攝司徒臣  
呂大防奉玉冊金寶上尊號曰太皇太后恭惟太皇太后誕膺洪用  
允迪厥功丕顯無疆之休永有無窮之聞萬壽之祉天地同久

誕節

建坤成節詔 元豐八年四月乙亥

朕祇膺駿命獲紹寶圖仰繫太母之儀同總寧朝之政金行氣應素  
舒魄生啓佑睿慈保安涼菲綠華封之善祝建坤成之令名以副四  
夷奉幣之誠以盛百辟稱觴之禮親昭大慶永傳無疆恭以太皇太  
后七月十六日生辰為坤成節咨爾中外體予至懷

建宮殿

荅宰臣請太皇太后建宮殿名詔 元祐元年閏二月丁未

卿等以朕紹承大統奉事兩宮循六世之燕謀極萬方之至養露章  
來諗引誼甚明謂德厚者報隆而禮盛者文綏宜開中禁仰奉慈儀  
崇長信之名備洛書之介福揭東朝之號紹太妣之徽音若稽古初  
具存典策漢家致孝有朝夕上食供御之延唐室承顏嚴歲時踵門  
履賀之道建于列聖咸有舊章顧維冲人敢忘繼序所請宜允候過人

諒聞令有司檢舉施行

受用

太皇太后受用止用宗政敕詔 元祐二年三月甲寅

祥禫既終典冊告具而有司遵用章獻明肅皇后故事予當受用於文德殿雖皇帝畫孝愛之意務極尊崇而朝廷有損益之文各從宜稱仰惟章獻明肅皇后輔佐真廟擁祐仁皇茂業豐功宜見隆異顧予涼薄絕企巖音稽用舊儀實有懋德所有將來受用可止就宗政殿

以早罷受用禮詔 元祐二年四月

有司奉受用當依典故在從吉之後夫典用備物以致隆名因之或禮也行於和平之日懼不克稱况今早暎為憂當據得攝民間何罪咎實在予雖剛躬永思損膳自戒尚慮無以塞責消變而有司乃於



此時欲以隆名盛禮加我，是重予之不德，而有將來行受冊禮宜權  
停罷。

御殿

太皇太后元日不御殿詔

元祐四年十一月乙丑

三朝或會禮見群臣王公造廷奉觴上壽皇帝臨御五載恭已端莊  
慶集惟新受朝饗醴再總攬機務什助政綱雖克享治安而每懷抑  
畏今有司乃欲以天聖故事行會慶稱賀之儀，願惟菲涼豈敢比隆  
于先后其在典法亦當稽合于常規是日皇帝致賀于禁中群臣奉  
表于東廡足以顯邦家之慶而刑孝謹之風何必外朝乃為其禮來  
年正月一日更不御殿受賀上壽候皇帝御殿禮畢並內東門拜表

責躬

太皇太后以早降詔

予同攬政機歷日未久而陰陽錯行雨不時若春夏大旱宿麥將槁  
災之所被迨徧四方失職之民靡所控訴永惟天人之符同于影響  
災異若此其何謂歟豈予聽德不聰刑賞不當政弛吏慢德澤不流  
民力屈威土木弗止讜言靡通壅蔽者衆推原厥始咎皆在予下然  
何穰祈消復久而未効也非恐懼修省飭正萬事其何以應之哉可  
自今減常膳公卿大夫其同寅協恭輔予不逮以答天變

恩澤

太皇太后減聖節大禮生辰親屬恩澤詔

九祐三年閏十二月甲寅

官冗之患所從來尚矣流弊之極實萃于今以閏計自至相倍口上  
有以間失職之吏則下有受害無告之民故命大臣考求其本苟非  
裁損入流之數無以澄清取士之源吾今自以朕身率先天下永惟  
臨御之始嘗勅有司蔭補私親舊無定限自惟薄德敢配前人已詔

家庭之恩止從母后之比今當又損以示必行夫以先帝顧託之深天下責望之重苟有利于社稷吾無愛于髮膚矧此恩私實同毫末忠義之士當識此誠各忘內顧之心共成節約之制今後每遇聖節生辰合得親屬恩澤並四分減一皇太后皇太妃准此

推恩太皇太后本家骨肉詔

大行太皇太后受先帝顧託不以東朝燕安為意而擁佑朕躬憂勞庶務大公正純誠一德求之前代未見其比其于外家恩例率先裁損未嘗優假朕追懷盛德念無以報大行太皇太后本家骨肉三省家院宜並特與等弟推恩

本命

元祐七年正旦以太皇太后本命年齋醮設獄詔 元祐六年十

一月辛亥

朕獲承至尊休德記于王公之上蒙成慈訓海內晏然恭惟太皇太后有聖德之徽懿居天下之崇高保佑朕躬功及宗社人神與歸天地並貺稽歲甲還相之次當慶符本始之辰仰贊壽祺用致誠祝昔在神考有奉光獻之禮嘗以前比懇請再三興言傷財而誠悉罷永惟大德何報方求尊安之稱此而不圖將何以示孝欽于萬方而達至感于神明乎其以元祐七年太皇太后本命歲旦日齋在京及天下州郡在城僧尼道士女冠一日內在京于中太一上清儲祥集禧建隆醴泉萬壽等六處宮觀大相國寺十禪院自正旦日各用僧道開建道場七晝夜宮觀罷散日設醮座在外州軍自正旦辦食設獄三日並支係省錢嘉與臣民共增吉禱

服藥

以太皇太后寢疾赦見禁德音 元豐二年十月庚戌

門下朕承列聖之基，當萬微之務。而太皇太后受遺先帝，貽訓東朝。保佑始終，憂勤夙夜。偶違康豫，遂涉晦明日候。寢門躬調，藥劑顧忠。誠之已竭，尚和氣之未孚。宜單在宥之私，庶格無疆之祉。應四京諸道云於戲湛恩，渙發既宣。愛育之仁，百順來臻。覲獲痊平，日之報。

太皇太后服藥救元祐八年八月戊辰

門下朕以冲昧，承祖宗休德，紹膺洪緒。仰賴文母，大公至仁。衣被四海，保佑我國家。歷年于茲，按以無事。然兢業萬幾，彌綸庶政。焦勞嬰疾，俄涉晦明。朕夙夜寢門，躬待藥膳。齋誠偏禱，未獲痊平。宜廣惠心，傳求休應，可大赦天下。云云於戲釋道宥罪，推博愛之常懷。集祉弭災，罄群生之協願。咨爾衆庶，咸體至懷。

遺詔

太皇太后遺詔元豐二年十月乙卯

吾受兩朝之託胡嗣聖之興十有七年安處房闈皇帝天萬仁孝日  
躋睿神嘗咨務于禁中獲助勤于天下而文涼屢變疾疹乘良皇帝  
夜不解衣朝至忘食雖聖心之備盡終天教之莫逾吾嘗觀性命之  
原達死生之際生而享慶壽之養沒則從昭陵之遊顧循初終夫復  
何恨皇帝宜念宗廟之重無過哀傷更賴股肱近臣共為寬釋成服  
之後三日外聽政服紀以日易月在京文武百官十三日而除諸司  
長官及近臣觀察使以上臨于宮庭其餘臨于宮門外諸道州府長  
吏以下三日釋服軍民不用縞素緣邊不得舉哀釋服之後勿禁作  
樂園陵制度務遵儉省勉從吾志勿事煩勞餘並依昭憲明德皇太  
后故事施行

太皇太后遺誥

元祐八年九月戊寅

吾受遺神宗保佑聖嗣憂勤庶務今茲九年未嘗以一物荷于已私

片言害于公義神祇助順宗社降康方隅庶寧年穀屢稔然吾素有未疾已逼者齡寒煥所侵疹恙時作比欲釋天下之重負就東朝之燕閒復辟以時實吾之志屢嬰沉疾有加無瘳皇帝以純孝之誠盡躬侍之養冠帶不脫于朝夕藥食必視其寒溫吾安于理命之常決于死生之分大期有極固不可移軍神厚陵夫復何恨皇帝宜念繼統之重躬聽斷之明無過哀傷勉慰物望近臣輔弼更為開陳吾稽叅舊章推恩兵衛內外諸軍將士並與特支在京文武臣僚并外處管軍臣僚並與支賜皇帝成服之後三日內聽政以日易月一依舊制在京文武群臣十三日而除諸司長官及觀禁使以上臨于宮庭而其餘官臨于宮門外諸道州府長吏以下三日釋服軍民不用縞素沿邊州府不得舉哀制服之後勿禁樂園陵制度務遵儉省勉從吾志勿事煩勞餘依章獻明肅皇太后典故

宋朝大詔令集卷第十一

宋朝大詔令集卷十一



宋朝大詔令集卷第十二

太皇太后下

謚議

慈聖光獻太皇太后謚議

元豐二年十一月壬辰

右臣伏奉敕命差撰太行太皇太后謚號文臣退而考按國朝故事祖宗諸后謚號皆二字惟章獻明肅皇后以四字卽具奏稟奉御寶批付臣曰先帝以宗子入繼大統嗣位之初哀毀過度感疾逾年軍國機務無所稟決人情恟懼神器震搖賴太行太皇太后聰明睿智權宜裁處于是中外安定宗廟獲安逮皇躬康寧匪由人言卽詔復辟退饗東朝之養十有七年以慈為寶拊子育孫裕如也功德盛大振古無有今以四字為謚大懼未足形容萬言姑備故事而已宜以四字定謚臣再拜稽首奉詔于是有司擇日集百官于太廟以請大

行太皇太后尊謚臣謹昧死上議竊推迹上世虞夏以前質勝文隱  
未有謚號以名配位死生同稱降及于商雖有成湯之號而其傳蓋  
略無得而稽焉迨周公旦相武昭憲作為謚法以跡行表功實往名  
歸大細相稱而後百王遵之莫或廢失故生有豐功盛德歿有大名  
顯號予以發揮先烈垂耀後世蓋其為法下不得諱上求諸典禮后  
之謚必請于廟所以質諸神明示天下以至誠大公之極非臣子之  
敢專也恭惟仁祖道侔乾坤德配堯禹天既啓以太平至治之運乃  
作之合以助成闕雖麟趾之化是以太皇太后應運挺生賦畀  
篤厚超絕今昔聰明睿智之性慈仁恭儉之行天成生知不習而至  
養德闔門則有窈窕之淋瀝儼體宸極則有思齊之徽音輔佐君子  
朝夕憂勤有卷耳之志披服澣濯躬儉節用有葛覃之本愛均嬪嬙  
有樛木之速下化行隱遠有兎置之好德退抑戚屬而飭之以恭謙

惠哀艱寡而振之以衣食教內修乎閭閻治外形于邦家安止乎禮  
義之宮嬉息乎藝文之園輝燁乎惟茲以論后妃之德固已極矣無  
以復加矣然猶未足以髣髴盛美萬分之一也若乃嘉祐之末仁祖  
春秋既高皇嗣未立中外凜凜入懷不寧已而英宗入居東宮國本  
既建天下之心泰然雖仁祖聖斷不惑早定大計實由大行太皇太  
后先知達識力贊以成及英宗即位之初哀毀成疾于是權宜聽政  
廟社以安亦既復辟退處東朝委遠功名之隆優游妙道之域悟性  
命之理通死生之變不訪乎峻岫而得治身之要不登乎姑射而知  
凝神之方蓋正位宮闈垂五十載受遺兩世母儀三朝淵默而無爲  
饗四海之養者十有七年皇帝仁孝純至恩義致隆咨務談經問安  
視膳尊奉報稱在禮無違今明詔之所發揮皆本諸至誠大公之極  
斯足以照映前古光輝無窮記曰文王無憂以其有王季爲之父武

王為之子也恭惟大行太皇太后仁祖以為夫英宗以為子皇帝以為孫聖神相承源深流遠以此較彼文王為不足侔矣臣慙觀載籍之傳任似于周有內助之効而無聞于社稷之功焉鄧在漢有關政之勤而不知乎道德之奧猶且流聲推頌橋芳簡編舉以繫今不其疾歎嗚呼義軒以前既不可得而致其可致者自三五以來后妃之美未有如大行太皇太后仁功聖德之盛昭天漏泉者是宜為朱文母以詔于萬世謹按茲法愛民好與曰慈能以仁教曰慈通達先知曰聖窮理盡性曰聖和寧百姓曰光格于上下曰光聰明睿智曰獻博聞多能曰獻恭惟大行太皇太后包括眾美以集大成神明之所顧歆天地之所合契宜以祖宗之命奉上尊諡曰慈聖光獻

宣仁聖烈太皇太后諡議

元祐八年十一月乙酉

翰林學士朝奉大夫知制誥兼侍讀顧臨奏奉詔以今月九日集官

太廟請大行太皇太后謚曰宣仁聖烈皇后伴臣考謚撰議以備王  
冊易名之大典臣稽首再拜謹昧死上議洪惟大行太皇太后考高  
楚王武烈王之孫也妣鎮國大夫人曹氏武惠韓王之孫也武惠事  
太祖太宗削平僭偽混一區宇有慈惠不殺之仁武烈事真宗有見  
危致命協策平難之義二人咸有大勲勞于太常燕可以發祥演慶  
誕降睿聖配英皇生神考保佑聖孫德備道隆魏魏乎其極三后之  
崇也方英皇龍蟠濮邸乃公姓承華履泰之時歷教冥會天作之合  
夙夜相與稽求經訓博觀史氏歷代之載樂將終身焉仁皇在御日  
月久春秋高天下之本未立春求宗藩燭見潛隱試雞皇子正命儲  
宮嘉祐末年乃位天德配體儼極母儀四方當事慶壽師其矩度忘  
崇高之奉彌以敦素為修身刑家之本其服御頗非弊極雖更歷年  
紀未嘗輒易以為貴天物敬以婦道風天下駿惠我慈聖之懿則克

相英宗詔仁宗之休榮薄海內外罔不配天其澤迨英皇厥代神考  
繼序崇慶寶慈敬致色養益懷謙抑以導東朝清明內融仰稽天若  
起心道微冷然乎萬物之表日緝舊學覃思前往增益其所自修元  
豐八年神宗寢疾請同聽覽俄鼎湖上仙玉几遺命擁保聖嗣出震  
繼照共御延和制政四海安正明微不踰防範以至拜慶冊禮上壽  
坤成率避臨前朝以推隆乎先后監觀前世后族之家怙勢干政亂  
國殄家昏迷顛覆相踵而不戒者訓飭厥家毋得妄祈恩寵以玷國  
章乃大出所奉營第合族阜其餼入畢給常養悖我親仁以修正義  
有擬仲父踐更有勞請擢置法從明諭非欲以戒開寵有以恩入官  
者實繁且以時損首裁外家以中厥命故遂坤極咸屬賢閥興言滿  
區確乎不可肇自治平格于元祐歷年喻世家無一人翺翺任事乎  
顯要之路咸以抑畏追藏承教自勵罔或一毫之私冒謁諸朝賓帝

之後其內親外戚左右侍御之臣惟朝夕論德流涕而無平時僥倖之虞考詩任似徽音相承以隆周家而光絕乎後其治內有如此者體坤用乾也乎其不為首研極論相以統百官代天器工分又庶務未嘗出聰明見適莫專智擅事或懼偏吝之累曠然凝然以仰厥成故當國大臣敬委任責或得以程大猷申故實曲列詳說周旋事情以承可否之命尤屏絕剛聽峻防姦幾付之庶謨大同乃詳增置諫有審求端士俾危言萬論不留下情暢乎上聞以疏壅塞之弊聽受之際一以民為度民之所欲者行民之所否者已無所為而不與民同者故天下之民不能離而議也間或六氣戾和三尺異軌則蠶食忘寢反覆究首詢過于朝引咎于已削身咨嗟感動中外二帝三王之所以治天下不過乎是其治外有如此者履天下之利勢運天下之利用不出閭閻九年之間無內外之難泰定純終由古以來未之

有也聖心曲故不可形容竊用民言髣髴其跡尊賢在位使能在官  
貴老與教哀窮恤隱省徭惜力薄賦厚生常武戢兵平法輕刑窮藏  
惠民去吝懼俗愚夫愚婦咸孚大公夫是之謂宣飭嚴其在已恕格  
其在人內無諸華外無四夷矜一視允懷如傷夫是之謂仁研幾  
起廢迪順佑神統業言動莫而後發惟恐一物不當有憂乎上帝之  
心始卒一誠二配俱極大是之謂聖政貴有常人惟求舊允登百度  
以定眾志倍其萬實披靡浮華純素之風乎近決遠克相上帝寵綏  
四方詒謀庶翼丕承烈聖之鴻緒以固無疆之大業夫是之謂烈臣  
謹按謚法聖善周聞曰宣施而不私曰宣克已復禮曰仁功施于民  
曰仁窮理盡性曰聖裁成萬物曰聖秉德遵業曰烈女民有功曰烈  
合是衆美宜敬承乎祖宗之命光大其徽稱以信無窮之傳謹上尊  
謚曰宣仁聖烈皇后



謚冊

慈聖光獻謚冊

維元豐三年歲次庚申正月乙丑朔十四日戊寅孝孫嗣皇帝臣某  
謹再拜稽首言曰臣聞道本無形不可擬以稱謂德合無彊不可規  
以封吟然自昔賢聖相繼作民父母莫不稽行以立謚紀功而建號  
著在典冊聳于郊廟著休烈盛美既有以冒于四海則隆名尊稱必  
有以照于萬世恭惟大行太皇太后竇天祐宋誕生洙聖聰明淵靜  
至性得于自然慈仁粹和懿範冠于往昔惟藝祖肇造扈夏武惠之  
勲從享太室積德流慶用夫集于後昆迺登中闈作配仁祖夙夜警  
戒逾三十年億寧神人嘉靖內外翊贊聖治迄用有成深惟宗社之  
重援立先帝大業既定五謀協從諒闇之初哀疾弗豫勉同聽決庸  
濟艱難群情于是獲安神器以之增重而進退以正勞謙有終述不

竣于外庭歲甫暮而復辟方且宅心道祀順神物表享東朝之尊十  
有七年福浸黎元而搗挹不居奉極天下而恭儉自牧較其全德遠  
度休聲茂實雖詩人所載任似之美殆無以加漢氏以來馬鄧之列  
莫得而比倫矣願惟冲菲獲奉晨昏教誨撫存慈惠庶至間稟要務  
仰遵成規家用平康民以寧一庶蒙休祐永錫難老以伸小子欲報  
之志以慰萬方欣戴之心小國邦蒙上延奄弃崇極玉衣如在甍駕  
不旋痛色喪之長遠願孺慕而何及考卜惟吉曰小有期迺指舊章  
口口惠口鴻名請于祖宗告于几筵謹遣攝太尉光祿大夫行尚書  
禮部侍郎同中書門下平章事集賢殿大學士上柱國太原郡開國  
公食邑五千五百戶食實封一千六百戶臣王珪奉寶冊上尊諡曰  
慈聖光獻皇后伏惟明口在天昭鑒于下膺茲典禮永配廟祐儲祉  
錫羨光于無窮嗚呼哀哉謹言

宣仁聖烈謚冊

維元祐八年歲次癸酉十二月甲辰朔二十六日己巳孝孫嗣皇帝  
臣某再拜稽首言曰臣聞聖人之興默契天運者真宗仁宗之際章  
獻臨御歲周一紀實能協和神人以靖國家逮我聖考夔歆萬國惟  
末小子未堪多難則亦聖祖母躬受其艱始終九年臣民以寧社稷  
以固欲報之德未獲其所惟周人以諱事神以謚易名明詔聖德以  
示後嗣恭惟大行太皇太后實天生德作合皇祖無私如天博愛如  
地內自宮者之私外薄華戎之廣至冒德澤以生以成昔在景德北  
人弗賓時則烈武參定大計師于澶淵克遂有功南北底定垂九十  
年民獲養生送死功書鼎彝澤加于後及我仁祖將授宣考以莫天  
位亦惟慈聖實以從母先識潛德宜于室家施及朝廷元豐之末天  
地震烈疾方彌留群公紳士拱手相視罔知所措而大策中定與天

為謀肆時冲人實主神器惟懼施難令時叙稽于眾庶庸一二老  
政無舊新以便民為先人無感疏以守正為用故士恥奇衮民知嚮  
方耕田而食遠底于今雨暘小愆青躬菲食饒饒時告振康黎漕憂  
世之心常若不及人賴其賜神享其誠熏然和平無大裁害間修咸  
平之政大弛道責中外所釋以千萬計飢寒者得以衣食流散者得  
以安處歌舞之音流于四方邊人恃和時肆猾姦一聞信義欽然知  
畏迄無一言之爭夏人恃遠更出侵擾一被恩德屢叛仍屈卒為乞  
盟之計雖燕處于中壺膏大養于萬邦究觀設施莫見其朕惟約心  
以公自二王一主泊于外家均遇以法無僥倖之求慶躬以儉自飲  
食版器至于宮室取足于用無華靡之飾雖履大位以天下養而歲  
月之奉子弟之薦猶視長樂之故是以貴戚近習相視而愧元巨豈  
老聞風而嘆不言而化成不威而心服自三代漢唐一人而已若夫

先后舊儀其在有司每自抑畏置而弗舉受冊之禮當在文德也而退即于崇政明堂之賀當在某英也而儀止于東闈將成宣光則原廟之說自處于治陞將損任子則族人之恩下比于列辟凡輕于約身重于違禮推之庶政盖有不可勝言者矣臣夙遭閔凶未習師保之訓提携閔閔若農夫之望歲諄之以詩書之樂滋之以勸講之良示之以聽納之寬導之以決斷之明久而弗忘遂以成性方將率德以自廣致養以盡誠而命之弗知哀恫邦國臨朝憫然未知散濟易月之制既弗敢違因山之期茲復以告是用博訪于卿士受命于祖宗惟德之至不可以名言而功之隆不可以數舉敢曰古人一惠之義並以累朝四謚之法庶以盡子孫之誠而慰海內之望謹遣攝太尉右光祿大夫守尚書左僕射兼門下侍郎上柱國汝南郡開國公食邑六千三百戶食實封二千八百戶臣呂大防奉冊竊上尊謚曰宣

仁聖烈太皇太后伏惟靈德在天令名垂世光配廟祐口于太史沒  
而不忘永永無極嗚呼哀哉謹言

哀冊

慈聖光獻哀冊

維元豐二年歲次己未十月丙申朔二十日乙卯慈聖光獻太皇太  
后崩于慶壽宮之萃德殿旋殯于慶壽殿之西階粵三年三月甲子  
朔十日癸酉遷座祔于永昭陵禮也燎映九闕漏終五夜凄風吹以  
祭音儼金根其趨驚孝孫嗣皇帝臣某痛悲遠日之至擗踊終天之  
訣飛馭莫攀奠觴既徹迺詔迺臣追揚休烈其詞曰猗歎太母遐矣  
鴻緒承派軒后啓封邠子逮于武惠為宋方虎陰有善慶超漢援禹  
其在後昆萬生聖女瑞氣天連玉毫衆觀當炎精之四帝求母闈之  
內輔既作之合遂定厥祥占陋沙麓兆輕壽房正宸陰順載物坤方

聰明睿智端一域莊珩佩性和練衣猶浣出閫無言脫簪有諫螭織  
是親圖書是玩海賦聖學鸞飛神翰化自身先恩無私謂盛公族之  
麟趾徵外家之金穴於穆英考入紹仁宗與子天下贊禁中口口口  
鼎之岌岌慰萬國之禺禺皇躬未康勉親機政明辟旋復避遠摧柄心  
契乎道權歸子正盛德若虛至仁斯靜再副遺託克昌懋嗣勞神  
乎連變之始受養乎承平之際一人定省大務咨議每顏溫而刻厲  
何慈深而愛至造金遷之妙音探柱史之微言撫赤綬之諸主弄文  
襟之曾孫斗維誕日之慶天固嘉時之燕壽觴舉而三宮樂寶與動  
而九遠抃忽脫履于紫房遽歸神于清漢玉音絕兮宵何所及黼帷  
空兮漢無見嗚呼哀哉下語之夕霜霰寒初祖庭之旦草木春餘鶯  
流景之過隙從吉占而啓途去深殿兮背白日指新宮兮窺黃壚嗚  
呼哀哉烟拂羽伏月低斗城出六衣于東闈轉五路于西柵紛相趨

方侍衛恍如在方平生嗚呼哀哉馬蹏躅方風蕭散度華原方臨洛  
岸近橋山之衣冠下銀海之鳧雁龍鑿汝方將就蝕矧戶闔方何時  
晨寢肅肅方蒼野簾陰陰方綠塵拂曉方泣長御瞻暮栢方悲宮  
臣聖孝執喪于三歲輿情結慘于八垠嗚呼哀哉塗山嬪方夏盛大  
任歸方周隆視今方揆古執德方踰功彤管之紀但傳于土苴白玉  
之鏤惡足以形容嚴清廟之登配光億載以無窮嗚呼哀哉

宣仁聖烈哀冊

維元祐八年歲次癸酉九月丙子朔四日己外大行太皇太后崩于  
崇慶宮之壽康殿施瑄于崇慶殿之西階有司奏謚曰宣仁聖烈粵  
明年二月癸卯朔七日己酉遷座祔于永厚陵禮也口常空神庭燎  
瞻雲似卻以復凝月雖輝而如慘孝孫嗣皇帝臣某臨遣奠以興哀  
瞻振容而永慕鳳吟管以何悲龍扶輶而若駐羽衛羅闈神儀布路



爰制近司紀陳聖度其詞曰皇矣大宋寶命自天重明累聖跨功秩  
宣聖后在中契于坤乾校任比姒亦逾于前有系自姜源深積厚功  
熙我朝方虎是偶奄韓宅魯益昌厥後月瑞日口是興太妣於鑠太  
母躬義率仁居靜猶地含和如春正素自稟聰明夙聞作合英祖齊  
昇並擢受養神考陰功善教體道不違唯德是做元聖末命帝念惟  
辟聽斷地同以浦天際擁佑神孫立民之極公以泄人儉惟化俗衣  
有大練奩無片玉房闈不出四海在目信義由中九夷思服如鑑不  
塵如瑾不緇三事大夫正直是咨宗藩外戚浚漉惠慈人爵王官雖  
卑不私廟謁靡行外朝靡踐池藥靡臨唯政是勉服御靡更唯德是  
善庸示萬方為則為典左右呈躬日就月將勤有壇宇居由範防造  
次于是寢隆且昌如天清明霽日之光治化方成憂勞亦至外若平  
居中潛造痛坤軸斡以夜推月輪翻而曉墜曾大化之靡怛尚斯民

之為意嗚呼哀哉珠箔低垂兮雲霧猶隔總帳學第兮鑪烟未消想  
仙馭以何道謝人寰而已遙萬乘就慟哀纏九霄干官縞素雨泣東  
朝嗚呼哀哉人與神兮變何速秋復春兮時已阻犧盈兮未忘于平  
昔綽動兮難留于頃典翼八妾以為衛陳六衣而起塗嗚呼哀哉野  
蒼茫兮人漸遠仗徘徊兮天欲晚邈洛澗兮嗟備物之如在邈鞏岸  
兮知神遊之不返山川已兆十真宅松栢猶疑于故苑嗚呼哀哉玉  
晦龍勢金掖蠹昏泉闕掩夜宮聞泣宸車軌同兮雖來于萬國寶座  
閉方唯朝于百神魚為炬以非日鴈長飛而不春嗚呼哀哉成內則  
于三朝胎素風于千祀致理之勤兮今已往大道之公兮古如此何  
遠其家以為國而憂其民之猶子宜大書而作用伴永光于宋史嗚  
呼哀哉

山陵

太皇太后稱山陵詔 元豐二年十月戊午

大行太皇太后輔佐仁宗皇帝援立先皇帝保躬朕躬獲安宗廟社稷功德隆盛聞于四海垂及後世光輝無窮而天畀聖質今昔絕擬遊心道域退託不居淵默宸闈福祐天下方圖崇報未知彼為今遣命陵號于本朝舊制乃重有取抑冒以茂對顯烈慰塞中外之望乎可詔有司易園陵曰山陵餘恭依遺詔施行

易太后園陵作山陵詔 元祐八年九月己卯

太皇太后受遺稱制保佑朕躬勤勞九年阜安四海大德未報奄弃東朝布宣末命中外悲怛永惟平日謙恭之至意每避先后臨御之常儀逮此遺言止以園陵為號既非朕尊崇之本志又失臣下愛戴之誠心宜詔有司易園陵為山陵餘恭依遺詔

宋朝大詔令集卷第十二

宋朝大詔令集卷第十三

皇太后一

尊立

有司請上皇太后尊號奏

建隆

伏以王者立顯親之殿所以尊母儀開長樂之宮所以伸子道稽諸  
歷代實有彝章伏惟口母南陽郡大夫人象叶陰靈功深厚載塗山  
助夏首冠于三王文武與周名存乎十亂徽號未正闕孰甚焉謹按  
漢書曰帝祖母曰太皇太后帝母曰皇太后皇帝陛下膺圖寶始孝  
治攸先宜彰聖鸞之祥式表濯龍之貴伏請上尊號曰皇太后詔曰  
恭依典禮仍令所司候追用四親廟畢擇日備禮奉用

尊皇太后制

至道元年四月乙未

王者膺顧託之重居宸極之尊稽考舊章宣明孝治用尊尊之義慰

蒸蒸之心風化攸先莫尚于此願惟眇質夙嗣慶基仰奉慈顏敢忘前訓洪惟大行皇后坤元表德壺範流芳輔佐先朝厥功斯茂俾陳典冊式薦徽稱謹上尊號曰皇太后

追尊賢妃李氏為皇太后制 至道元年十一月丙申

朕獲養洪圖仰懷慈訓式遵茂典誕舉徽章太宗皇帝賢妃李氏輔佐先朝發揮內則柔明之範圖史傳口願惟涼薄之資敢忘劬勞之德追崇禮秩用慰孝思宜追上尊號為皇太后

追尊李宸妃位號營奉園陵詔 明道二年四月二十一日

朕哀制之中未違議政皇太后謂朕曰宸妃早事先帝尤為懿恭膺降誕之符守謙沖之德至于號位陵寢聿周禪祥歸奉母儀克勤輔佑興居合禮言動有常兩播徽音九優彝典以貴慎終可追崇為皇太后

故聖瑞皇太妃朱氏追尊為皇太后制

崇寧元年二月十七日

門下夫孝之至者其愛廣報之厚者其禮隆朕適駿皇圖極思父念  
先之感愴懷聖瑞盡飭終追遠之情敷告治朝特尊顯號故聖瑞皇  
太妃朱氏懿恭惟則柔惠且仁早衍慶于茲斯克相儀于祿掖輔佐  
昭考有警戒之道而無險詖私謁之心保佑泰陵助繼述之功而遵  
柔懿慈儉之德仰徽音之邇茂嗟涿命之不融於戲婦順謙沖生不  
及四海之崇養寵章華煥歿而加萬世之鴻名惟哀慕之無窮用褒  
崇于周極且追尊為皇太后仍令所司備禮冊命

諭崇寧初姦臣損欽成舊儀詔

大觀三年二月五日

朕惟欽成皇后輔佐神考泚慎懿恭誕育哲宗慈仁頤復尊為帶母  
十有五年就養宮闈陰利天下而崇寧之初姦臣用事飾終送往因  
陋就簡專騁私意悉損舊儀屢加詰問終莫遵承比閱典禮欲如是

正而歲月適邁既往莫追事違本懷情深惋恻咨爾在位體朕意焉

尊號

百官上皇太后尊號不許批答 天聖二年七月甲辰

吾頃在先朝實當內治雖極崇高之位常思抑損之風昨以嗣君始膺丕緒聿承遺詔協預政經賴宗祏之降祥復忠賢之戮力迄臻康乂肇舉燔煙而鼎臣宗工庶尹多士遽形勤請願上尊稱念何德之克堪實以禁而為懼眷言列位宜察素懷

皇太后降毋得上尊號手書 大聖五年七月己未

吾奉先朝之顧言保嗣聖之鴻業間臨便殿同訪遠謀乃至寤寐不遑盱宵若厲而答證屢見政化未孚將戒天正聿新郊報慮循舊典載上尊名宜告在廷當體吾意

追尊李宸妃為皇太后制 明道二年四月壬寅



王者撫育黎元務恢要道蓋孝為子已則化之厚感發于心則報必隆有懷願復之恩爰舉尊崇之典故宸妃李氏輔佐先聖誕育眇躬空流彤管之音未正軒星之位是用順稽舊典恭薦徽名庶申創慕之思以稱劬勞之德宜追尊為皇太后仍令所司擇日備禮冊命

皇太后號保慶詔

景祐元年九月壬子

皇太后頃在先朝以參內輔願惟冲眇之質備承撫愛之恩自顯受于尊名賴總臨于中壺益彰謙懿思祭恭虔載欽保祐之慈式叶熙隆之慶聿崇稱謂庶表光揚宜令宮禁上下此後並以保慶皇太后為稱呼并置所居殿額咨爾宰弼當體至懷

尊皇太后制

嘉祐八年四月丙子

王化之基所先者孝治邦典之重莫大乎尊親言念眇躬獲承聖緒况欽聞于頌命俾祇奉于母儀敢率舊章式陳顯罔大行皇帝皇后

配德宸極比大坤維柔範錫于宮闈殷晉流乎天寓輔佐先帝肅雍  
周遠撫毓沖人愛慈至厚奉加徽稱仰慰慈顏謹上尊號曰皇太后  
其合行冊禮令有司檢詳典故以聞

尊皇太后制

治平四年正月己未

聖人之制世取俗也莫大乎孝治先王之正國安人也必先于禮經  
矧惟帝母之尊夙毗王國之化朕紹膺寶祚祇適聖謨恭遵慈兒之  
言深惟置器之重遵行典冊仰奉徽名大行皇帝皇后柔範布于中  
宮陰教播于天下輔佐先帝賢德內修撫循朕躬慈訓備至恭加懿  
號允迪先猷謹上尊號曰皇太后其合冊禮令有司檢詳典故以聞

尊皇太后制

元豐八年三月庚子

王者之治國也莫重于禮文人子之事親也莫先于孝敬矧正母儀  
之位實基王化之綱頤惟沖人祇紹大統奉受同之遺訓崇儷極之

徽名申勅攸司恭揚盛典大行皇帝皇后化形四國被教六官輔佐  
先朝秉齊明之德撫循菲質致均一之仁恭迪聖猷奉加美稱可上  
尊號曰皇太后

追尊陳太妃為皇太后制 建中靖國元年正月十六日

門下守位曰仁事親者仁之實教民以孝因心者孝之先梵然眈躬  
幼失所恃有霜降露濡之感無昏定晨省之因隆祐深慈具言于遺  
訓章懿盛典並列于有司明告治朝追祭顯號故皇太妃陳氏柔儀  
慎靖泚德齊明標茂範于皇闈藹歲音于彤史輔佐永祐肅難內庭  
誕育冲人續承大統披蒼不弔陟妃纏哀聞難猶想于問安吹棘徒  
增于墮涕既不能致四海之養銜恤無窮將何以報昊天之恩崇名  
為慰用廣如存之敬以伸終慕之情宜追尊為皇太后

瑞聖皇太妃追崇為皇太后詔 崇慶元年正月十六日

瑞聖皇太妃昔事神考柔懿順恭無險詖私媚之心有警戒相成之道誕育哲廟饗養西宮助紹承繼述之功遵慈儉保佑之德今云殂殞良用盡傷思父念兄禮宜隆厚特申郊報載上尊名宜告在廷當體吾意

文武百寮再上表加上皇太后尊號不許批荅 元聖八年

夫道以冲而為用易以謙而蒙福僕自矜大所不與焉吾獲紹基圖深惟抑畏盖勉遵于先託固無助于君明襄歲群臣籲言嗣皇內請膺受丕既良非素懷今郊報有期國家常典衆心輸嚮復上美名且方隅救寧運祿隆治蓋天地之儲既廟社之流祥惟帝丕承乃克臻此在吾非德敢自為功矧有愧于前稱諒難從于今議庶全搆挹之志免慙記注之傳

用文

皇太后尊號玉冊文

維天聖二年歲次甲子十一月乙酉朔十三日丁酉嗣皇帝臣某謹  
再拜稽首言恭以為天下之母者愛育之功博居域中之大者覆載  
之道均乃有飾盛禮以推崇因強名而不顯以思則尊親倚極以義  
則中外一辭表德垂鴻非可以報也况乎保寧玉緒撫覽權綱格萬  
宇之洽平副輿情之輸戴式隆稱號以播休鑠伏維皇太后陛下聰  
明泝哲淵默懿恭振御龍之遐源啓曾沙之瑞命輔佐先聖輯睦藩  
房申翊宮朝叶敷聞教服圖史之至誠慕黃老之微言乃正位承天  
居尊治內勤儉之化式于中闡和平之風被于四表王基允固睿問  
載融曩者號弓在辰仍几有命粵以大寶付于菲躬焚焚哀哀懼罔  
攸濟實賴慈蔭以援鴻圖上奉頌託之明俯慰通遐之望詳錄機務  
咨謀政經憲祖宗之舊章勗官師之凝績本乎于物之惠濟乃守成

之業今蠻夷款附封宇靖安百度幸修六氣時若肇種肆類克展上  
儀享是休嘉率由保翼故得公卿庶尹藩嶽守臣武旅戎酋緇黃莖  
艾咸謂周有思齊之口播于聲歌漢有長樂之注垂于竹帛斟酌前  
訓擬議盛歎允非鴻名莫揚盛烈餘代曠典自我而著猶且推美而  
弗者約已以至謙連袂叩闕露章五請臣得以因人之欲拜疏于內  
甫回冲慮乃徇公言夫含章履順之謂應元詔訓率下之謂崇德體  
仁所以膺壽歲之福宣慈所以隆聖善之齡不勝大願謹與百寮士  
庶奉玉冊琮寶上尊號曰應元崇德仁壽慈聖皇太后伏惟懋叶歡  
心誕膺洪冊承七廟之流祥受九昊之敷錫擁佑家邦祉祚無極臣  
某誠惟誠抃頓首頓首謹言

明道二年皇太后尊號冊文

維明道二年歲次癸酉二月丁酉朔九日乙巳嗣皇帝臣某謹再拜

稽首言恭惟荷神器之重者必能充其道措天下于治者乃可享其尊雖復履歷大猷抑曼先憲周歲功表迹隱言外至于體乾之健則四德隨其法坤之順則萬物自光乃知聖人施尊名建顯號有以答四海之望未始缺三神之歡况夫有親之慈有國之典有億眾之勤請有沖人之奉承則鴻徽景鑠揭無垠而耿千古不得為身專辭也伏惟應元崇德仁壽慈聖皇太后陛下徇齊懿泝欽明博愛大覃慈表乎威德倪天稟予睿姿內輔先帝布昭陰教柔風彷徨大和細縵惟深以鈞天下之志彌簡而知天下之限及真廟憑几緼衣在廷導揚審訓參錄庶務時惟寡薄嗣膺宸統懼德弗類惟天難忱實繫寶慈佐佑丕業於是進者哲黜恤士鼓清風阜群品蒸雲以濡之揭日以照之回霜收電恤欺奸之苦金聲玉振制條令之當不受牲牲以裕于神不玩印鈕以寵其勲好直而無翳諫育材而善多士浣衣訓儉

程書戒勅出入十年上下一德至乃師兵不試方陸無警一介之使  
朝服以至穹廡丈餘之組馳輅而撫西夏蕩然王德無思不服遂能  
內外有證憲度其張俗法奇衰民服敦龐蕭勺之和極天而燔于地  
義慈之愛浹肌而淪于髓拔其癘疢納之仁壽百昌蕃蕪而鏡乎昏  
作三辰陽明而順乎發歛使眈眈之質託王公之上無道德無愆令  
重擁越成以緝熙于光明諒非諄誨疇克臻此義以崖略上德形容  
至禩大功日新興情未愜方今款謁廟祏祇見祖宗馨香升闡休嘉  
振動而廊廟文武相臣將臣卿尹師校家陪耆父仙釋之淨衆要荒  
之渠長藹然咸造以義固爭食曰備物不膺無以責天命群生不懷  
無以綏方國既即舊典創新制則因而易行畧小節著大美唯稱而  
後可切訂茂寶以增聖號陛下方復允恭克讓勞謙終吉連禮五請  
始曰俞哉夫高明資始是之謂應元思睿周達是之謂齊聖鼓舞乾



固是之謂顯功敷施化育是之謂崇德睦族濟衆是之謂慈仁祈年  
永思是之謂保壽臣不勝大願謹遣攝太尉籍田大禮使推忠協謀  
同德佐理功臣開府儀同三司行門下侍郎兼吏部尚書同中書門  
下平章事昭文館大學士監修國史上柱國東平郡開國公食邑七  
千戶食實封二千八百戶呂夷簡奉玉冊玉寶上尊號曰應元齊聖  
顯功崇德慈仁保壽皇太后伏惟欽受滿用昭迪成功挹道觀收援  
天比榮邁任似之遐武嚴黃老之淵宗又安鼎祚以據無窮

皇太后用文

維治平二年歲次乙巳十一月丁巳朔十有六日壬申嗣皇帝臣某  
謹稽首再拜言曰臣聞昔者明王之以孝治天下者非家至而日見  
也蓋有要道焉推所以行于己者為天下率盡所以奉其親者為天  
下先而四海靡然其承風矣洪惟有宋受命造邦百年四聖而小子

獲承之以繼我仁考之遺休餘烈方與群公卿士夙夜以思勉其不  
逮庶幾如我仁考付畀之意以申罔極欲報之心此固慄慄祗懼不  
敢違寧者也顧惟眇末之質提攜鞠育慈仁咻煦至于有成自我聖  
母嗣位之始哀逮在疚而憂勞艱難一日萬務叶和緩靜保佑扶持  
功施邦家亦惟我聖母永惟至恩大德無物可稱是用稽參典禮率  
籲群心合志一辭懇懇悵悵不勝大願謹遣具官韓琦具官胡宿奉  
玉冊金寶上尊號曰皇太后恭惟皇太后聖善明哲柔閑靜專尊自  
正位中宮內助先帝陰禮修而教行儉德著而下化遂及萬國先于  
正家逮夫玉儿受遺遭時多難勉徇勤詩推同聽決而明識遠慮動  
懷謙畏深鑒漢家母后之失訖不踐于外朝及歸政冲人合于易之  
進退不失其正之聖是惟全節鉅美固已超出前古垂法後世宜乎  
盛烈播于聲詩尊名光于典冊惟未小子獲奉溫清嗚呼殫九州之

富以為養未足盡于孝心享萬壽之福而無疆期永承于慈訓臣某  
誠懼誠抃稽首再拜謹言

皇太后冊文 熙寧二年四月壬戌

臣聞子親生之而思怙仁恤至于有成其義若天覆無有窮極矧取  
躬所繫以提以護乃至託王公之上而獲承祖宗之餘烈親德所載  
不已極隆而愈重歎欲報之懇願天下無物以稱其大是用率額衆  
志順稽典禮一辭欣合不勝至願謹遣攝太尉推忠協謀崇仁同德  
贊治守正保運亮節佐理翊戴功臣樞密使知南西北川節度管内觀  
察處置橋道等使開府儀同三司守司空檢校太師兼侍中兼群牧  
制置使行戎都尹上柱國潞國公食邑一萬七千二百戶食實封六  
千七百戶臣文彦博攝司徒推忠佐理功臣正奉大夫行右諫議大  
夫參知政事上柱國南陽郡開國侯食邑一千戶賜紫金魚袋臣趙

抃奉玉卣金寶上尊號曰皇太后恭惟皇太后靜專柔明稟協坤體  
以承天之順內助英考惇俛德以為陰教之冠而世莫不矜式杜私  
恩以保外家之貴而福俾之長享懿鑾遠慮高出前古矧小子鑽販  
惟慈訓是凜夙夜當畏不敢墜繼承之業比見上帝告成大禮仰惟  
我聖母保佑之力於茲養有九州之富而莫大之德不足報萬一孝  
形四海之廣而回心之萬不足見髣髴惟是尊名徽冊合乎萬壽之  
無疆予末小子永惟左右之是奉茲實惓惓之願

皇太后冊文 元祐

臣聞鴻名顯號尊一儀而後為大豐祿備養極四海而後為至夫惟  
厚德積載則極尊靡亢純佑流澤則多福無疆愛敬盡于孝治情文  
達于禮本卓哉煌乎非甚盛德何以兼大名享至養哉本朝受命禪  
將隆化熙洽惟皇葉之昌熾由聖母之輔治陰教修而內化儉德懷

于永圖遐邇一體中外提福迫于冲人纂承皇緒母儀崇訓實賴慈  
寶坤元資生並及品物天地並配華夏樂推率籲衆心不勝大願謹  
遣攝太尉臣安燾攝司徒臣范純仁奉玉册金寶上尊號曰皇太后  
恭惟皇太后秉德聖泝虞躬靜專徽音邁于三母柔範形于四表上  
當天心則紛紛歲筴應誠之景貺下符民願則謳歌鼓舞僕志之群  
吐各敬奉賀策光顯隆祚豈特思齊詠詩紀宗周之畫美長樂注記  
述漢氏之懿鑠然後膺受介福降格永平如川之方至如日之始升  
九功之德莫匪可歌萬邦之民率由於變

宋朝大詔令集卷第十四

皇太后二

聽政

真宗喪服臣寮請皇太后處分軍國事表不許批荅

覽表具之釁禍自天先帝厥代攀號殞越觸地無容雖理命之行已  
聞誕告而機務之重豈暇親臨遽覽露章願遵遺旨言念忠恪徒增  
歎嘉所請宜不許

第二表不許批荅

覽表具之先帝升遐率土號慕況在宣德豈任哀摧眷惟輔弼之賢  
咸膺碩託之重夙宵勤瘁中外謐清而薦上封章懇陳末命願從聽  
覽賢所未違者閱再三愧歎無已所請宜不許

第三表許批荅

覽表具之先聖貽謀嗣君繼麻緬惟輔佐屬任忠賢乃眷眇躬曷任機務而疏封三上中外一辭俾預政經仰遵遺訓昌言無極申諭不違斯用勉從良增愧慙所請宜許

皇太后降軍國政事進入文字手書 乾興元年二月癸亥

中書門下牒樞密院今月二十四日准皇太后手書賜下謂以下近以釐罰所鍾琴琥因極上賴邦家積德皇帝嗣徽中外一心永隆基構先皇帝以母子之愛有異常倫所以遺制之中權令處分軍國事勉遵遺命不敢固辭然事體之間宜從允當自今已後中書樞密院軍國政事進呈皇帝後並只令依常式進入文書印畫在內庭亦不妨與皇帝子細看覽商議或事有未便即當與皇帝宣召中書樞密院詳議如中書樞密院有事聞機要須至奏覆即許請對當與皇帝非時召對即不必預定奏事日限蓋念先朝理命務合至公其于文

武大臣內外百辟推誠委任斷在不疑緬料忠賢各懷恩義必能盡節以佐昌朝願予菲躬得守常典與言及此五內傷推故茲示諭咸使知悉

宰臣等請皇太后五日一次坐朝不許批卷

覽表具之昨者猥蒙遺制仰損政經勉用率循良增愧惡以大邦之累歲加四海之同文其在事機不無繫委每于官掖詳覽奏對得與嗣君預伸謀議遠觀抗疏備述昌言期徇良規親臨便殿載與嘉話誠所未遑庶叶至懷且仍舊式所請宜不許乾興二月

第二表不許批卷

七月二十七日

覽表具之竊緒方隆茂規咸在每于宮壺詳閱政經必循貽燕之謀庶叶講求之式薦觀奏牘懇冀親臨誠所未遑但增多所請宜不許



第三表許批卷

覽表具之昨膺付託之重領機務之繁眷乃嗣君助其為治願惟寡  
昧靡克違寧日月不居俄更素律夙宵自勵無爽大猷而卿等屢上  
封章備陳懇悃以為小大之政必在于親臨承弼之吉免煩于中覆  
庶遵先旨亦叶前規堅確不回忠恪斯見勉從勤請良用愧懷所請  
宜許七月二十三日

宰臣等上皇帝乞皇太后五日一次坐朝表允批卷

乾興元年七月

省表具之昨者先帝登遐冲人縉服仰承遺命誕告群方允賴母儀  
兼總軍國上緣慈訓過執勞謀久未遵行竊增哀懼卿等克當大任  
祇率聖言懇拜封章備陳謹議已蒙告諭勉徇勤誠嘉與忠賢同此  
欣慶所請宜允

真宗大祥後皇太后賜宰臣等手書 天聖二年二月癸酉

皇穹降禍先帝上升日月靡留祥祭云畢百身莫贖五內已摧言及于茲號殞無訴所幸三邊徹警五穀豐登此皆上靈垂休及宗廟儲社賢能盡力中外協心所致也載念天下至廣萬務至繁吾以受先聖顧託之深皇帝春秋之富助成治道用文養黔期見抱孫之歡永遂含飴之樂如馬鄧流芳冊書此吾之志也更願三事庶尹百工群司勉悉厥心同底于道

皇太后權同聽政制 嘉祐元年四月己卯

朕承大行之遺命嗣列聖之不基踐祚之初銜哀周極遂罹疾恙未獲痊和而機政之繁裁決或壅皇太后母儀天下予育朕躬輔佐先朝練達庶務固請同于聽覽蒙曲賜于矜從俾緩憂勤冀速康復將來聽政日請皇太后權同處分

皇太后第一次付中書門下還政書 嘉祐八年四月十六日  
辰時降付御寶到于今

換書日未時却于通進司進入不曾降出

吾奉先帝之制託嗣君之孤當涖祚之初辰結念親之永慕恍然在  
疚浩弗能支因露言于禁中請同政于天下重以猝遭家難俯仰群  
情維廟社之儲實復乾祇之薦社皇躬加裕邦統有歸宜遵還辟之  
文以副承祧之望矧祖宗之有成憲輔弼之有嘉謀勉用持循釋吾  
憂負今來皇帝已遠康復更不同德政事故茲示諭當體此懷付中  
書門下

皇太后第二次付中書門下還政書治平元年五月十一日  
秘時通進司降封御寶

劉子今按當夜三更  
却于通進司進入

日者昊天不弔先帝上賓遽揚末命之旨刀結未亡之痛而皇帝踐  
阼之始銜哀過情忽傳詔于外庭請預聞于庶政載念承祚之重累  
申還辟之文皇表未回群德猶舞願人子之誠雖至然國家之事靡

安况日聽治朝躬發神明之斷出馳禁蹕衆聞輿馬之音百姓莫不  
交欣三靈以之薦祉吾嘗視前史之戒思累聖之圖將退飭于母儀  
庸進謹于君德從容房闈不日日日揮同政事候皇帝康復日如  
舊今歲兩曾降手書選政輔臣等並于皇帝御前納下今日躬躬已  
安如其軍國事更不同處分故茲亦諭宜體至懷付中書門下

皇太后權處分軍國事詔

元豐八年  
二月乙未

朕膺昊穹之賻命續列聖之丕圖夙夜精勤興唐興宋永惟四海之  
廣慮墜萬微之繁皇太后德聖母儀道隆坤載聖性聰哲達于幾深  
仰叩慈仁許同聽斷庶專調護早遂康和應軍國事並皇太后權同  
處分候康復日依舊

皇太后手書付三首

吾德薄不敢上同明肅宣仁而遠戒前代稱制終身之失自同聽斷

夙夜靡違不欲候日殿殯禮畢遂即退處皇帝聖孝堅請再三仍以山陵事重為言故赦免勉有愧于心止俟將來神主祔廟使遵此制吾意已決可令中外聞知

皇太后手書付三省

元符三年六月癸亥

吾權同聽斷本非吾志艱難之初欲止不敢通勉于茲日計一日苟可得已宜不待時乃者皇帝以大行山陵事重為請故候祔廟禮畢即遂退處今皇帝聖智日躋萬務益習仁明處斷裁決中理海隅蒼生咸被德澤吾用慰心願復何慮況山陵營奉就緒引發有期或不知止則豈不蹈古人所戒而失復子明辟之美哉可不俟祔廟止俟靈駕發引罷同聽斷布告中外咸使聞知

皇太后罷同聽斷詔

元符三年七月丙寅

朕奉皇太后手書可不候祔廟止俟靈駕發引罷同聽斷朕以眇身

獲承大寶竊賴皇太后仁聖教示萬邦遮奉玉音靡違安處涕泣拜  
請至于累旬雖盛德徽猷度越今古願惟不類懼弗克勝聖志莫回  
未知攸濟勉遵慈訓深惕于懷布告中外咸使聞知

皇太后罷同聽斷德音

元符三年七月癸酉

門下朕奉承聖緒追述先猷仰恃母儀共安天下皇太后深誠稱制  
終身之失確遵復子明辟之言薦降手書期罷同政超今冠古莫不  
可倚適大投艱懼弗克任既莫回于聖志思有顯于慈親永惟此心  
未知攸稱豈特用三牲之養固當奉四海之歡用伸錫于渙恩俾益  
孚于慈德應四京諸道云云於戲宥過無大式于九圍立愛惟親加  
于百姓咨爾中外咸體朕懷

禮儀

建萬安宮奏

咸平二年

中書門下上言聖人之德莫大于尊親帝母之尊備存于典制皇太后輔佐先帝母儀萬邦雖極尊之稱已先于坤德而異宮之義未叶于禮文謹按漢制皇太后稱長樂宮又按唐史穆宗郭太后居興慶宮號興慶太后恭宗丕太后居義安宮號義安太后武宗蕭太后居積慶宮號積慶太后今皇太后宮室之制有所未備豈可使六宮瞻仰俯同家人之儀三朝慶賀猶闕奏觴之地臣等不勝大願伏請命有司為皇太后建宮立名以稱陛下奉養慈顏孝治天下之意詔曰可仍上宮名曰萬安

命婦見皇太后儀式詔

禮儀院劄子奏準遺制軍國事兼權取皇太后處分今參詳內外命婦今後凡遇入內見皇太后欲望內中別設客殿延見除長公主并親王夫人已上許殿上起居其餘親族命婦並依班次立于殿下

起居仍于宮庭量地之宜內外命婦各設幕次不得取便于內中交雜往還其班序次第及殿庭收接文字亦乞專委自來合屬職掌之人依此編排管司其命婦或有陳乞表狀便于當職人處遞下即不得輒自將表狀升殿唐突務要整肅如有違犯並須具事由奏取聖旨指揮及乞下入內侍省內東門曉示各令知委并下南宮北宅并諸宅院司常使臣等依此取進止已降敕命依奏宜令入內侍省徧行指揮并劄付內東門司曉示

天安殿發皇太后冊詔天聖二年九月甲午

朕奉膺眷命獲守宗祚期德洽于民心在孝治于天下恭惟皇太后祇膺遺訓總覽鴻機邦國用康品物咸乂將馨泰壇之類宜尊冊寶之名躬率群僚式揚窳烈化覽收司之草具乃于便殿以陳儀情禮未安且庶何仰宜臨正中恭上徽稱將未朕以天安殿發冊于文德



殿上皇太后受闕于崇政殿

尊崇皇太后儀範詔 治平元年五月

頃以嗣承大統方執初喪適自摧傷遂嬰疾恙皇太后尊居母道時  
遺家報憫于哀荒俯徇誠情勉同聽覽用遣推宜賴保薦之勅助獲  
清明而康復恭惟坤德之至靜貴厭事機之久煩殆此彌年存承謀  
悔碩寔煩于庶政難重洗于睿慈然而方國多虞則能濟天下之務  
惟時無事亦宜享天下之安先氏有言無德不報雖日奉三牲之養  
未足盡于歡心而形于四海之風必務先于孝治惟是事親之禮蓋  
存有國之規當極尊崇以稱朕意應合行儀範等令中書門下密院  
參詳以聞

尊崇皇太后典禮詔

朕祇膺寶圖夙賴慈蔭方決策艱難之際實先定于睿謨及臨朝恭

默之初復仰煩于慈政雖明智之自待避成功而不居垂下手書退安房閭豈惟前世母后之罕及抑亦自古聖賢之所難至仁大恩威德鉅美無物以稱非言可宣朕日至寢門躬修子道殫四海之備恭得萬國之推心大惟有天下之功固享天下之報興言典禮未及尊崇肆命輔臣裁度彝制上以彰母儀之盛下以廣孝治之風頒之有司昭示永世皇太后出入儀衛恭依禮部太常寺增定餘依治平元年五月十七日慈聖光獻皇后故事施行

違豫

皇太后不豫降死罪已下赦咸平六年十二月戊寅

門下朕自誕膺駿命嗣守鴻圖翼翼小心兢兢取朽瘡痂求理六載于茲致高縣之庶寧賴祖宗之垂庇而皇太后違當寒沍偶爽康和朕躬侍起居親調藥餌稍勤備至請禱彌多而未獲痊平願深憂惕

祈上元之福祐，冥大齊于蒙區，可赦天下。云云。於戲曠蕩之恩，爰敷于遐邇。悲禱之至，莫獲于感。通用慰虔誠，以臻繁祉。

皇太后寢疾，赦天下。善度僧尼制。明道二年三月二十五日。

朕膺列聖之鴻圖，撫萬方之億衆，遊守前王之格訓，內承哲后之深慈，夷夏交歡，昆蟲遂性。皇太后受先帝之定保，佑沖人之懇明，仗台輔之協謀，御宸闈而施政，而盱眙靡暇，憂勞所侵，發于朕理之微，浸成寒暑之疾。朕仰稟懿誨，恭侍悴顏，日至寢門，親嘗藥劑，遍詢于良苦，攻治並走乎上下，神祇稍獲安和，吏資獲助，且念寰海至廣，休戚殊途，犯法冒令者多，遷善遠罪者寡，以至嬰難者未解，向隅者可傷。或尚隸遐陬，或未離編籍，將以渙散幽冤之志，介延丕祉之祥，非大施曠蕩之恩，何以召和平之氣。且復以植福之趣，能仁所宗，特推雨露之霽，廣度苾芻之侶，並發于朕志，上奉于母儀，心虔切而帝遣澤。

滂沱而曷怯夫聖職教化天鑒誠明允期捐意之獲申所冀維祺之  
來頌可大赦天下云云於戲惟孝者德之本將以悅千里之人作解  
者吉之符于以濟日日之象期爾百官之同志共祝萬壽之無疆粵  
乃其僚宜體茲意

皇太后不豫德音

門下朕以眇躬獲承大寶祇日慈訓克濟艱難皇太后久積憂勤寢  
興疾疹雖晨夕日右親侍藥石殆逾旬浹未復康和宜推及物之恩  
益介萬年之福應四京諸道云云於戲致四海之養方思竭于日日  
膺萬壽之祺盡導迎于和氣冀圖休應昭格吉祥

遺令遺誥

昭憲皇太后遺令

生死者人之常道脩短者天之定數考終為福其又奚悲乎年過六

自比多衆病家國之故憂勞積念自春及夏風氣頻作鍼日備至有加無瘳將盡天年宜申理命皇帝天資仁孝親侍醫藥衣不解帶涉于數日重念軍國事繁人神所託思遠大無適哀毀予瞑目之後宜以宗社為心更損群臣共與開釋皇帝成服三日聽政以日易月一依舊制在京文武臣僚十三日而除諸司長官以上近臣列校朝輔臨于宮庭其餘職官臨于宮門外諸道州府長吏以下三日釋服軍人百姓不用錫素沿邊州府不得舉哀釋服之後勿禁作樂園陵制度務從儉省勉從予志勿用煩勞

皇太后遺誥

景德元年四月

內外文武臣僚等日月運行春秋代謝人生定分天道難知予自去冬嬰茲疾疢百藥無効四體積羸有加無瘳迫于大限宜申治命用示所懷皇帝至孝至仁克勤克儉躬親侍奉旦夕煎調憂積于容衣

不解帶然而天位至重君臨事繁必思軍國之大綱無執庭闈之近  
禮所宜自勉弗用過哀更賴股肱近臣共為開釋皇帝衣服之後三  
日聽政版紀以日易月一依舊制在京文武群臣十三日除文武百  
寮諸司官長及近臣觀察使已上臨于宮庭自餘職官臨于宮門外  
諸路官吏以下三日釋服軍民不用鶴素沿邊不得舉哀制服釋服  
之後勿禁作樂園陵制度務在省儉勉從予志勿事煩勞

皇太后遺詔

明道二年三月乙未

吾受遺先朝保助今聖綿歷十載憂勤一心以南面之母儀承天下  
之榮養皇帝深于孝愛濟以睿明吾得以罄竭所懷翊懷庶務涼暄  
疇薄朕埋失和皇帝庶必親嘗衣不解帶而吾大期之迫積疾無瘳  
以耆暮之年見升平之運獲從先帝寧魄九原質于常情夫復何恨  
皇太妃與吾同事先帝並佑聖躬宜尊為皇太后皇帝聽斷朝政一

依祖宗舊規如有軍國大事與皇太后內中裁判內外諸軍將士並與特支在京文武臣僚并外處管事臣僚並與支賜皇帝冥念宗廟社稷之重毋過哀傷更賴股肱近臣共為寬釋成服之後三日內聽政服紀以日易月在京文武官十三日而除諸司官長及近臣觀察使以上臨于宮庭其餘臨于宮門外諸道州府長吏以上三日釋服軍民不用緇素沿邊不得舉哀釋服之後勿禁作樂園陵制度務遵儉省勉從吾志勿事煩勞

皇太后遺誥

建中靖國元年正月甲戌

吾曹于相門作配神考逮事英祖母儀三朝惟社稷是憂惟居民是恤積勤迭厲累月弗瘳皇帝天性誠孝夙宵左右衣不解帶藥必親嘗祿禱消除靡所不至間雖小愈卒至彌留然生必有終天地之道脩短之際亦數之常非遭時艱親決大策屬以聖意勤請與聞政機

曾未逾年迭復明辟既從容東朝以享天下之養而擁佑仁聖以為天下之福年垂耳順往從裕改之游靜惟延心尚復何憾皇帝以宗社大計為念無過哀傷更賴臣儕共與開釋仍追遵故皇太妃為太后其典禮並依章懿皇后故事成服之後三日內聽政服紀以日易月在京文武百官十三日而除諸司長官及近臣觀祭使以上臨于宮庭其餘臨宮門外諸道州府長史以下三日釋服軍民不用結素緣違不得舉哀釋服之後勿禁作樂園陵制度務從儉省勉從吾志勿事煩苛餘依慈聖光獻皇后故事施行

宋朝大詔合集卷第十四